

Na osnovu člana 61. stav (2) Zakona o upravi ("Službeni glasnik BiH", broj 32/02 i 102/09), člana 3, a u vezi sa članom 8a. Zakona o putnim ispravama Bosne i Hercegovine ("Službeni glasnik BiH", br. 4/97, 1/99, 9/99, 27/00, 32/00, 19/01, 47/04, 53/07, 15/08, 33/08, 39/08 i 60/13), i člana 16. Pravilnika o putnoj ispravi za izbjeglice ("Službeni glasnik BiH", broj 80/09), ministar Ministarstva civilnih poslova Bosne i Hercegovine donosi

**ODLUKU**  
**O POČETKU IZDAVANJA PUTNIH ISPRAVA ZA IZBJEGLICE**  
**SA BESKONTAKTNIM ELEKTRONSKIM - MEMORIJSKIM ELEMENTOM**

Član 1.

(Početak izdavanja)

Ovom Odlukom kao početak izdavanja putnih isprava za izbjeglice sa beskontaktnim elektronskim – memorijskim elementom, određuje se datum 10.03.2014.

Član 2.

(Zaduženje organa nadležnog za personalizaciju)

Zadužuje se Agencija za identifikaciona dokumenta, evidenciju i razmjenu podataka Bosne i Hercegovine da sve zahtjeve za izdavanje putnih isprava zaprimljene od strane Ministarstva sigurnosti Bosne i Hercegovine počevši od 10.03.2014. godine, personalizuje ličnim podacima u obrasce putnih isprava sa elektronskim memorijskim elementom - elektronskih pasoša.

Član 3.

(Zaduženje organa nadležnog za izdavanje putnih isprava)

Ministarstvo sigurnosti Bosne i Hercegovine, dužno je provoditi postupke, obradu zahtjeva i evidentiranje podataka za izdavanje putnih isprava za izbjeglice, po procedurama kako je to definisano zakonskim i podzakonskim aktima.

Član 4.

(Realizacija Odluke)

Za realizaciju ove Odluke zadužuju se Ministarstvo sigurnosti Bosne i Hercegovine i Agencija za identifikaciona dokumenta, evidenciju i razmjenu podataka Bosne i Hercegovine.

Član 5.

(Stupanje na snagu)

Ova Odluka stupa na snagu danom donošenja i bit će objavljena u "Službenom glasniku BiH".

Broj 06-2-30-4-23/14  
05. marta 2014. godine  
Sarajevo

Ministar  
Mr. **Sredoje Nović**, s. r.